

Evening Dogri News Bulletin, 01 June. 2026

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

1. उपराज्यपाल मनोज सिन्हा होरें नशामुक्त जम्मू-कश्मीर अभियान गी भावुक ते लोक आधारित रूख दिंदे होई अपने आपै गी इस परोआर दा हिस्सा दस्सेआ ऐ।
2. जम्मू-कश्मीर होई कोर्ट नै मुख्वा न्याधीश चीफ जस्टिस अरूण पल्ली होरें गी सुप्रीम कोर्ट दा जज बनाए जाने पर सम्मानित कीता। जस्टिस संजीव कुमार होरें गी जम्मू-कश्मीर ते लद्दाख हाई कोर्ट दा कार्यवाहक मुख्वा न्याधीश दे तौरा पर नियुक्त कीता गेआ ऐ।
3. औंदी श्री अमरनाथ जी दी यात्रा शा पैहले जम्मू दे डिविजनल कमिशनर होरें जम्मू स्थित भगवती नगर आले आधार शिविर च कीते गेदे इंतजामें दा जायजा लैता।
4. श्रीनगर ब्हाई अड्डे पर परतोने आले हज यात्रियें लेई चेक इन समेयान लेई जाने लेई आरजी तौरा पर तब्दीली, मुख्वामंत्री उमर अबदुल्ला होरें समेयान गी सुरक्षित ते समेंसिर पजाने लेई केंद्री नागरिक उड्डयन मंत्री होरें गी दखल देने दी अपील कीती।
5. ते मौसम विभाग नै 3 जून तगर जम्मू-कश्मीर च मौसम आमतौरा पर खुश्क रौहने दी पेशगोई कीती ऐ।

<><><><><><>

LG-Nasha Mukht

उपराज्यपाल मनोज सिन्हा होरें नशा मुक्त जम्मू-कश्मीर अभियान गी भावुक ते लोक आधारित रूख दिंदे होई अपने आपा गी इस परोआर दा इक हिस्सा दस्सेआ ऐ। उनें जम्मू-कश्मीर थमां इस माडी कवैतू गी खत्म करने लेई

प्रशासन दी पूरी मदद ते सहयोग दा भरोसा दोआया। दक्खनी कश्मीर दे कुलगाम जिले दे लारू बस अड्डे कश इक किट्टु गी संबोधित करदे होई उपराज्यपाल होरें आखेआ जे नशामुक्त अभियान 51 दिन पैहले शुरू कीता गेआ हा। एह्दे च परोआरें, युवाएं, शिक्षा इदारें, धर्मिक नेताएं ते सिविल समाज दे समूहें आसेआ सक्रियता कन्नै हिस्सा लैता जा'रदा ऐ।

<><><><><><>

Full Court Reference

जम्मू-कश्मीर ते लद्दाख होई कोर्ट दे श्रीनगर आली इकाई च अज्ज इक समारोह दरान मुख न्याधीश चीफ जस्टिस अरूण पल्ली होरें गी भारत दे सुप्रीम कोर्ट दे जज बनाए जाने पर उनेंगी सम्मानित कीता गेआ। एह् आयोजन मुख न्याधीश हुं'दे कोर्टरूम च पूरे मान-सममान कन्नै आयोजित कीता गेदा हा जेह्दे च साबका मुखन्याधीशें, जम्मू-कश्मीर ते लद्दाख हाई कोर्ट दे साबका जजें, मुख सचिवें ते पुलस महानिदेशक हुं'दे सने कई जजें बी हिस्सा लैता।

<><><><><><>

Acting-CJI

न्याऽधीश संजीव कुमार होरें गी जम्मू-कश्मीर ते लद्दाख हाई कोर्ट दे कार्यवाहक मुख न्याऽधीश दे तौर पर नियुक्त कीता गेआ ऐ। इस सरबन्धै च कनून ते न्याऽ मंत्रालय आसेआ अज्ज इक्क अधिसूचना जारी कीती गई। एह् फैसला जम्मू-कश्मीर हाई कोर्ट दे मुख न्याऽधीश अरूण पाली होरें गी सुप्रीम कोर्ट दे जज दे तौर पर नियुक्त कीते जाने मगरा आया ऐ। 8 अप्रैल 1966 गी पैदा होए दे न्याऽधीश संजीव कुमार होरें 1989 च यूनिवर्सिटी जम्मू थमां ला डिग्री हासिल कीती ही।

<><><><><><>

DiV.Com SANJY

सालाना श्री अमरनाथ जात्तरा दियां तैयारियां जम्मू च जोरें-शोरें कन्नै जारी ना। जम्मू दे डिविजनल कमिशनर रमेश कुमार, आई.जी.पी जम्मू ते होर दुए मैहकमे दे वरिष्ठ अधिकारिएं जम्मू दे भगवती नगर आले यात्री निवास दा दौरा लाया ते तैयारिएं दा जायजा लैता। दौरे दरान डिविजनल कमीशनर होरें सुरक्षा एजेंसिएं ते सिविल प्रशासन दे मिम्बरें कन्नै बैठक लाई ते तैयारिएं दा निरीक्षण कीता। उनें मुतल्लका सारें मैहकमे गी हिदायत कीती जे ओहू आपूं'चे तालमेल बनाइये कम्म करन।



Mindhhal-Yatra

डोडा जिले दे चंडी माता मंदर थमां सालाना मिंधल यात्रा गी अज्ज पूरी धार्मिक श्रद्धा ते उत्साह कन्नै णंडी दस्सियै रवाना कीता गेआ। इस कार्यक्रम च एडीसी डोडा अनिल कुमार ठाकुर, साबका डीडीसी चेयरमैन, जिला अफसर ते मन्ने-परमन्ने दे शैहरदार मौजूद हे। इस मौके पर बोलदे होई एडीसी डोडा होरें आखेआ जे यात्रा गी रमानारी कन्नै करोआने लेई लोडचदे इंतजाम कीते गेदे ना।



Hajj-Check in Baggage

श्रीनगर अंतरराश्ट्री ब्हाई अड्डे पर रनवे दे रख-रखाव दे कम्में लेई जारी नोटम दे चलदे ब्हाई अड्डे पर परतोने आले हज यात्रियें लेई रनवे दे लम्बाई सरबंधी आरजी पाबंदियें ते पेलोड दी सीमाएं दे चलदे अधिकारियें एह्दे च बदलाव कीता ऐ। अल्पसंख्यक मामलें दे केंद्री मंत्रालय नै आखेआ ऐ जे अकासा एयरलाइन्स आसेआ डोआरियें राहें हज यात्रियें गी अहमदाबाद तगर छडा 35 किलो समेयान लेई जाने दी इजाजत होग, जिसले के अहमदाबाद थमां श्रीनगर तगर फ्लाईट च छडा 5 किलो समेयान लेई जाने दी गै इजाजत होग जिसलै के बाकी 30 किलो समेयान शिडक रस्ते राहें श्रीनगर पजाई दिता जाह्ग। मंत्रालय नै एक्स पर इक पोस्ट च आखेआ जे कैबिन बैगेज च कोई बदलाव नेई कीता गेआ ऐ। तोआई, मुख्मन्त्री उमर अब्दुल्ला होरें केंद्री नागरिक उड्डयन मंत्री होरें'गी

चिट्ठी लिखिये हज जात्तरिये दे चेकइन कीते गेदे समेयान गी समेंसिर ते सुरक्षित तरीके कन्नै पजाने गी यकीनी बनाने लेई फौरी तौर पर दखल देने दी मंग कीती।

<><><><><><>

Edu. Outreach Initiative

भारत दे प्रमुख संस्थानें दे इंजीनियरिंग कनून ते कामर्स दे विद्यार्थियों दी इक टीम नै ज्ञान प्रबोधिनी दे शैक्षणिक गतिविधि अनुसंधान केंद्र ते जम्मू-कश्मीर दे शिक्षा विभाग दी मदद कन्नै इक शैक्षणिक आउटरीच पैहलकदमी दे तैहत सरहदी जिले पुंछ दा दौरा लाया। शिक्षा विभाग दे ज्ञान सेतु कार्यक्रम दे हिस्से दे तौरा पर एहू टीम पुंछ जिले दे 5 दिनें दे दौरे पर ऐ। अज्ज पैहले ध्याड़े टीम नै कब्जा रेखा कश स्थित सरकारी हायर सेकेंडरी स्कूल झललास ते सरकारी हायर सेकेंडरी स्कूल झललास ते सरकारी मिडल स्कूल झललास दा दौरा कीता ते विद्यार्थियों कन्नै गल्लबात कीती।

<><><><><><>

Fisheries-Deptt. Ramban

रामबन च मच्छी पालन मैहकमे आसेआ खित्ते दी अर्थबवस्थ च बदलाव आहनने लेई नीली क्रांति गी सक्रिय रूप कन्नै बढ़ावा देआ'रदा ऐ। मैहकमा मच्छियें गी पालने सरबंधी निजी फिश फार्म स्थापित करने लेई मजबूत माली ते तकनीकी मदद प्रदान करियै ग्रामीण नौजवानें ते मकामी करसानें गी आत्मनिर्भर बनाने च सहयोग देआ'रदा ऐ। शुरूआत च मैहकमे आसेआ सब्सिडी बी प्रदान कीती जंदी ऐ। रामबन ते बनिहाल इलाके दे मच्छी पालकें आले नौजवान इनें योजनाएं राहें अर्थबवस्था गी मजबूत बना करदे न।

<><><><><><>

Weather

मौसम विभाग नै पेशगोई कीती ऐ जे 3 जून तगर मौसम आम तौरा पर खुश्क बने दा रौहग। 4 ते 5 जून गी नेकें थाहरें पर परतियै बरखा- गरज-चमक ते तेज ब्हाऊ दे चलने दी संभावना ऐ। मैहकमे नै 6 थमां 8 जून तगर आम तौरा पर खुश्क मौसम दा अंदाजा लाया ऐ।

